



## Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Contra eos, qui in loco interdicto celebraverint. 41

**urn:nbn:de:hbz:466:1-14298**

cent. Alioqui ipsos Clericos seu Capellanos, qui ultra id cum dominis suis permanferint, & eis communicaverint, majori excommunicatione in his scriptis late sententiæ innodamus; & præcipimus, eos, per locorum Ordinarios, excommunicatos publice nunciari. In qua excommunicatione si per duos menses contumaciter perduraverint, & à dominis suis non recesserint, ex tunc ipso facto omnibus beneficiis Ecclesiasticis, cum cura vel sine cura, quæ habent, sint privati; & eadem beneficia per illos, ad quorum collationem pertinent, aliis personis idoneis intra mensem conferantur; alioqui ex tunc per Superiorum proximum conferantur; & nihilominus sint inhabiles ad alia beneficia obtinenda.

**X X X V I I . Contra eos, qui sententiam Excommunicationis damnabiliter vilipendunt.**

**C**umque nonnulli sententiam excommunicationis damnabiliter vilipendant; statuimus, ut, quicunque, excommunicatus & in Parochia sua denunciatus, per annum in ipsa excommunicatione perfitterit, & de hoc fides facta fuerit per literas Excommunicatoris, (quas sufficere volumus in hac parte, si fuerit Ordinarius, & alias per aliam fidem sufficiensem,) si hujusmodi fuerit Nobilis, vel alius, habens terram vel districtum, illa terra vel districtus per Ordinarium loci, super hoc requiritum ab excommunicatore vel Actore, ecclesiastico sine difficultate supponatur interdicto. Et, si fuerit alius quam Nobilis, dominus temporalis seu Iudex, in cuius districtu excommunicatus manferit, seu domicilium habuerit, moneatur per Ordinarium ipsius, ut compellat ipsum excommunicatum redire ad sanctæ matris Ecclesiæ \* unitatem. Alioqui idem dominus sive Iudex, per ipsum Ordinariū, excommunicationis sententiæ percellatur.

**X X X V I I I . Contra computræsentes in Excommunicatione ultra annum, quomodo procedendum.**

**I**psi autem excommunicati, cum per annum in excommunicatione perfitterint, in Syndicis accusentur, tanquam clavum Ecclesiæ contemptores, & satisfacere compellantur; adhibito etiam, si opus fuerit, auxilio brachii secularis.

**X X X I X . Ut Prelati, & qualibet Ecclesiasticae personæ, ad observationem statutorum istorum fideliter teneantur.**

**Q**via vero omnibus, per Statuta hujusmodi, paterna solitudine intendimus prævidere, ut videlicet quies procuretur Ecclesiæ & Ecclesiasticis personis, & Pacis turbatores,

pœnae formidine, cohibeantur à peccatis; præcipimus & mandamus sub pœna excommunicationis, ut statuta ipsa ab omnibus tam Ecclesiasticis quam Sæcularibus personis inviolabili observentur: Statuentes, ut Capitulum, Prælati, Archidiaconi, Præpositi, Decani Capitulorum, & alia Capitula, & singuli de Capitulis, Decani Christianitatum, Rectores Ecclesiæ & Capellarum, nec non & Vicarii, & omnes Clerici Civitatis & Dioecesis Coloniensis, ad observationem sententiarum prædictarum, scilicet excommunicationis, suspensionis, interdicti, & ad earum executionem, quandocunque & quotiescumque opus fuerit, & aliquod foreactorum prædictorum committi contigerit in Civitate aut Dioecesi Coloniensi, omni fraude & dolo penitus exclusis, fideliter teneantur. Si quis autem Prelatus in his remissus fuerit, & ex parte Ecclesiæ vel personæ, injuriam vel damnum passæ, tertio requisitus, ad executionem præmissorum, prout in superioribus continetur, per se vel per alium procedere neglexerit, sententiam suspensionis, à Nobis latam in his scriptis, incurrat ipsa omissione: quam scilicet suspensionis sententiam si per octo dies in negligencia perdurando sustinuerit, ex tunc incurrat excommunicationis sententiam, à Nobis latam in his scriptis. Et nihilominus contra eum ad ulteriora per Nos, de consilio Capituli & Priorum Coloniensium, procedatur.

**X L . Contra Clericos, in executionibus sententiarum remissos, & sententias ipsas modo debito non servantes.**

**H**ebdomadarii item in Ecclesiis Convenientiis, Plebani, Rectores seu Provi-fores Parochialium Ecclesiæ & Capellarum Civitatis & Dioecesis Coloniensis, qui in suis Ecclesiis seu Capellis illos, qui ex aliquibus causis, de quibus supra dictum est, excommunicationem inciderint vel \* juris vel hominis, & fuerint (ut præmissum est) excommunicati nunciandi, denunciare omiserint; ipsa omissione se sciunt excommunicationis sententiam, in his scriptis à Nobis latam, incurrisse; & poterunt Depositionis periculum formidare, si Divinis se ingesserint, sic ligati: ita ut, nisi celeri satisfactione sibi prosperebant, monitione præmissa à suis Ordinariis, preventur beneficis quæ habent, & illa aliis personis idoneis, per eos ad quorum spectant Collationem, conferantur.

**X L I . Contra eos, qui in loco interdicto celebraverint.**

**S**i quis autem Sacerdos in loco, propter captivitatem Clerici, vel propter spoliolum Ecclesiæ vel Ecclesiasticæ personæ, vel propter aliquam aliarum causarum prædictarum, inter-

\* CARON

Beneficiæ  
vacantia  
per pri-  
uationem,  
conferent  
Ordinariis  
collatores.

interdicto , celebraverit , & sic irregularis, in continenti non destiterit, aut intra quindecim dies non satisfecerit Nobis & Ecclesia ; ex tunc incurrat ipso facto excommunicationis sententiam, quam in hujusmodi praesumptores ferimus in his scriptis. In qua excommunicatione si per quindecim dies contumaciter perduraverit, negligens satisfacere, ex tunc sit ipso facto omnibus beneficiis Ecclesiasticis , qua habet, destitutus : & , si illi , ad quos Beneficiorum hujusmodi collatio pertinuerit, ea aliis personis non contulerint intra mensum, eorum collatio ad proximum Superiorum devolvatur. Si vero beneficium Sacerdos non habuerit , hujusmodi sit post tempus praedictum inhabilis in perpetuum ad aliquod obtinendum.

**X L II.** *Vt , percepto forefacto , statim cessetur à divinis , ne quis per crassam ignorantiam se possit excusare.*

\* Decanii.

**C**eterum, ne aliquis Prælatus, Archidiaconus, Præpositus,\* Decanus Capitulo-rum & Christianitatum , aut Rector Ecclesiae vel Capellæ , per crassam ignorantiam ab obseruationibus sententiarum prædictarum se valeat excusare, cum difficile sit, singulari denunciatione singulorum auribus inculcari captivitatem Clerici vel spolium Ecclesiae vel Ecclesiastice personæ , aut aliud quocunque forefactum propter quod loca aliqua continet esse interdicta , sicut superius in pluribus locis est expressum : statuimus, ut Prælati, Archidiaconi , Præpositi , Decani & Reatores seu Vicarii , quam cito captivitas Clerici vel spolium , aut aliquod forefactum , de quibus est supradictum, ad eorum notitiam, vel fama deferente, vel alio quocunque modo pervenient, statim cessent à divinis, ubi hoc juxta præmissa fuerit faciendum , & ad obseruationem & executionem dictarum sententiarum per se vel alios teneantur. Alioqui, non obstante excusatione crassæ ignorantiae , poenis & sententiis subjaceat supradictis.

**X L III.** *Vt hæc statuta ad personas Ecclesiasticas cuiuscunque Ordinis extendantur.*

**S**tatuimus item , ut ad Monasteria & bona eorum , & ad Monachos & alias religiosas personas cuiuscunque Ordinis , Civitatis & Diœcesis Colonensis , hujusmodi statuta extendantur , & Monachorum Prælati , & Monachi , ac alia personæ religiosæ , ad obseruationem & executionem teneantur eorumdem. Et, si aliqua personæ religiosæ , cuiuscunque Ordinis existant , se voluerint, occasione alicuius privilegii , ab executione seu obseruatione statutorum istorum tueri vel excusare; prædictorum statutorum auxilio non juventur.

**X L IV.** *Vt hæc statuta , ne aliquem latere possint , tam in Capitulis quam in aliis locis , sepius publicentur.*

**S**tatuimus item , & mandamus in virtute sanctæ obedientiæ , ut hæc eadem statuta, per omnes Ecclesiæ conventuales & Parochiales & capellas civitatis & Diœcesis Colonensis , singulis annis , ne aliquem latere possint , sepius publicentur , & in Capitulis ruralibus perlegantur.

*Capitula  
ruralia*

**X L V.** *Vt nomina sacrilegorum , posita in Registro , sepius recitentur.*

**E**T nomina eorum , qui contra Ecclesiæ seu personas Ecclesiasticas aliquo modorum supradictorum excesserint vel deliquerint, statim, cum hoc factum fuerit, ponantur in Registro , & sepius recitentur in publico, ut sciri possit ex qualitate facti & ejus circumstantiis , nec non ex dilatione satisfactionis, qualiter sit contra excedentes & delinquentes hujusmodi procedendum ; nec deleantur eorum nomina , nisi congrua satisfactione precedente. Si quid vero dubii aut difficultatis, super præmissis, emerserit, hoc Nobis, Capitulo & Prioribus Colonensisbus , reservamus declarandum.

Nos vero , Capitulum, Prælati , & alia Capitula majoris & aliarum Ecclesiæ Civitatis & Diœcesis Colonensis , plenam in Domino fiduciam obtinentes, quod, per statuta hujusmodi , Ecclesiæ & Monasteriis , & personis tam Ecclesiasticis quam religiosis , in spirituallibus & temporalibus provisum sit , & beat provideri ; ad obseruationem corundem statutorum, bona fide, omni fraude & dolo exclusis , firmiter obligamus ; sigilla Ecclesiæ Nostrarum eisdem statutis in testimonium apponentes. Datum anno Domini millesimo duecentesimo sexagesimo sexto , sexto Idus Maii.

Hæc omnia & singula statuta , autoritate præsentis Concilii Provincialis , in omnibus suis modo & forma & clausulis & tenoribus ac pœnarum adjectionibus, ad totam Nostram Provinciam extendimus , & statuta Provincialia facimus : Decernentes , ea , ut statuta Provincialia , debere teneri & observari , sic quod in qualibet Civitate & Diœcesi Provincialiæ Nostræ ea teneantur & observentur, sicut sub verbis Nostræ Civitatis & Diœcesis , tanquam Synodalia , sunt concepta ac promulgata & hactenus observata : falsis tamen aliis statutis Synodalibus Ecclesiæ Nostræ Colonensis , à Nobis sive à Prædecessoribus nostris , editis ; ac etiam statutis Suffraganeorum Nostrorum , si quæ habent ; quibus , si reperiantur in aliquo præsentibus statutis con-